

Contacte premsa : Sandra Juan
s.juan@cirdoc.fr

1 bis boulevard Du-Guescl'in – BP 180
34503 Béziers Cedex
France
Tèl : 04 67 11 85 10
Fax : 04 67 62 23 01
www.locirdoc.fr
05/04/18

Comunicat de premsa (!)

Communiqué de presse
Comunicat de premsa
de la médiathèque
de la mediatèca

Comunicat de premsa

Culturas popularas en dialòg Cultures populaires en dialogue / Cultures populars en diàleg - Dialòg de las culturas entre Pirenèus e Mediterranèa -



Culturas popularas en dialòg : Las tradicions vivas al servici del dialòg entre las culturas

Al caireforc de las culturas europèas, l'Euroregion Pirenèus-Mediterranèa (EPM) recampa a l'entorn d'un meteís projècte de cooperacion politic, administratiu e cultural, Catalonha, Illas Balearas e Occitània / Pirenèus-Mediterranèa. L'EPM es lo conservatòri d'un patrimòni cultural ric de sa diversitat, que l'occitan e lo catalan ne constituïsson lo fondament d'una identitat partejada per totes sos estatjants.

Aprèp un primièr Forum en 2016 a Castèlnòu d'Arri (« Patrimòni e creacion »), lo CIRDÒC e sos partenaris la Fira Mediterrània de Manresa e Sa Xerxa - Fira de Teatre Infantil (FIET) dedican aquela edicion als actors del dialòg cultural, entre Pirenèus e Mediterranèa. Doas jornadas de rencontres, de conferèncias e de fèsta a l'entorn de las culturas popularas d'Occitània, de Catalonha e de las Balearas.

Associacions, confrariás, artistas, federacions... l'ensemble dels actors implicats dins lo manten de las diversitats culturalas e lingüisticas, son convidats a participar a aquel segond Forum euroregional, los 18 e 19 de mai de 2018 al Pont de Gard.

Lo Forum euroregional : Dos jorns a destinacion dels actors culturals, per se rencontrar e escambiar

Entrada gratuita sus inscripcion : fabrica.occitanica.eu/euroregion

Lo Forum es un espaci de rencontres, un temps de dialòg entre los actors culturals (que sián artistas, tecnicians o practicians), las culturas e las disciplinas : musica, teatre, cinèma, gastronomia, fèstas e tradicions... nascut de l'enveja comuna de tres actors culturals d'Occitània, de Catalonha e de las islas Balearas : lo CIRDOC, la Fira Mediterrània de Manresa e *Sa Xerxa - Fira de Teatre Infantil i Juvenil*.

Los 18 e 19 de mai que venon, las associacions, confrariás, artistas, federacions... son convidats a escambiar al long de talhièrs professionnals e de conferéncias. Poiràn tanben descobrir de projèctes innovants presentats per l'escasença : Ethno Catalonia, Més cultura, PCI-Lab.... Arts vius, musica e dança, cèrca participativa, gastronomia... tant de domenis abordats pendent aquels dos jorns en preséncias d'especialistas del domeni, venguts d'Occitània, de Balearas e de Catalonha.

Una granda fèsta de las expressions culturals occitanas e catalanas, dobèrta a totes

Aqueles dos jorns seràn tanben un moment de fèsta que convidaràn los estatjants de l'Euroregion a descobrir, celebrar e partejar, las culturas popularas. Al programa lo divendres : *Serada d'acordalhas* (amb les Anxovetes, Lo Barrut, Joana Gomila, Rubaïyales). E pendent la jornada del dissabte, espectacles e concèrts (Totemiade, Arc Nòrd Mediterranèa, Aital Aital, Tato...) animacions, exposicion, talhièrs culinaris, jòcs...

**Programa, infos practicas e inscripcions :
fabrica.occitanica.eu/euroregion**

**E per devenir al vòstre torn un ambassador / ambassadritz
de las vòstras culturas,
connectatz-vos sus : <https://www.facebook.com/CulturaVivaBCO/>**

Lo Forum « Culturas popularas en dialòg » s'inscriu dins lo quadre de l'apèl a projèctes Cultura de l'Euroregion Pirenèus-Mediterranèa (Occitània / Pirenèus-Mediterranèa, Generalitat de Catalunya, Govern de les Illes Balears).

